

## **2.3 ORDENANZA FISCAL REGULADORA DA TAXA DE RECOLLIDA DE LIXO**

Mércores, 30 de decembro de 2020

Núm. 250

*C) Camións*

De menos de 1.000 Kgs, de carga útil-----	48,62 €
De 1.000 Kgs. a 2.999 Kgs.de carga útil-----	95,80 €
De 2.999 Kgs. a 9.999 Kgs de carga útil-----	136,44 €
De máis de 9.999 Kgs. de carga útil-----	170,54 €

*D) Tractores*

De menos de 16 cabalos fiscais -----	20,32 €
De 16 a 25 cabalos fiscais -----	31,93 €
De máis de 25 cabalos fiscais -----	95,80 €

*E) Remolques e semirremolques arrastrados por vehículos de tracción mecánica*

Ata 750 Kgs. de carga útil-----	Non suxeito
Máis de 750 e menos de 1.000 Kgs. de carga útil-----	20,32 €
De 1.000 a 2.999 Kgs. de carga útil-----	31,93 €
De máis de 2.999 Kgs. de carga útil-----	95,80 €

*F) Outros Vehículos*

Ciclomotores-----	5,08 €
Motocicletas de ata 125 c.c.-----	5,08 €
Motocicletas de máis de 125 ata 250 c.c.-----	8,71 €
Motocicletas de máis de 250 ata 500 c.c.-----	17,42 €
Motocicletas de máis de 500 ata 1.000 c.c.-----	34,83 €
Motocicletas de máis de 1.000 c.c.-----	69,67 €

**ORDENANZA FISCAL REGULADORA DA TAXA POLOS SERVIZOS DE RECOLLIDA,  
TRATAMENTO E ELIMINACIÓN DE RESIDUOS****ARTIGO 1.- NATUREZA E FUNDAMENTO**

No uso das facultades conferidas polos artigos 133.2 e 142 da Constitución española, e polo artigo 106 da Lei 7/1985, do 2 de abril, reguladora das bases do réxime local e, de conformidade co disposto nos artigos 15 a 19 do Real decreto legislativo 2/2004, do 5 de marzo, polo que se aproba o texto refundido da Lei reguladora das facendas locais, o Concello de Tomiño establece

Pode verificar a integridade deste documento no seguinte enderezo:  
<https://sede.depo.gal>  
Código seguro de verificación:2FYPCRJGTAVM4VJL



Mércores, 30 de decembro de 2020

Núm. 250

a Taxa pola prestación do servizo de recollida do lixo, a que se refire o artigo 20.4.s) do citado Real decreto legislativo, que se rexerá pola presente Ordenanza fiscal, e cuxas normas atenden ao previsto no artigo 57 do mesmo texto legal.

A prestación deste servizo é de recepción obrigatoria.

Entenderase de recepción obrigatoria o servizo prestado a tódalas vivendas, locais, establecementos comerciais, industriais, profesionais ou doutros usos que estean en condicións de habitabilidade ou utilización con independencia de que estean ou non, habitados ou utilizados.

## *ARTIGO 2.- FEITO IMPOÑIBLE*

2.1. Constitúe o feito imponible da taxa, a prestación do servizo consistente na recollida, tratamento e eliminación de residuos sólidos urbanos de vivendas, aloxamentos, locais ou establecementos onde se exerzan actividades industriais, comerciais, profesionais, artísticas, de servizos incluídos os inmobles desocupados.

Entenderase de recepción obrigatoria o servizo prestado a tódalas vivendas, locais, establecementos comerciais, industriais, profesionais ou doutros usos que estean en condicións de habitabilidade ou utilización con independencia de que estean ou non, habitados ou utilizados.

### 2.2. Definicións xerais do feito imponible.

A tal efecto, constituirán residuos sólidos urbanos, os refugallos e detritos producidos como consecuencia das seguintes actividades e situacións: os residuos de orixe doméstica (restos e desperdicios de alimentación ou detritos, e os procedentes da limpeza normal en vivendas); os residuos xerados en comercios, oficinas e servizos; os residuos procedentes da limpeza ordinaria de vías públicas; os procedentes de lonxas, mercados, feiras, festexos, ou/e semellantes; os mobles, utensilios e electrodomésticos desbotados; en xeral, todos aqueles residuos dos que a súa recollida, transporte, almacenamento, tratamento ou depósito lle corresponda ó Concello, de acordo co establecido na lexislación vixente.

Exclúense do concepto de residuos: os que sexan radioactivos, corrosivos, contaminantes, nocivos ou perigosos; os procedentes de actividades industriais, como restos e sobrantes da propia actividade; os escombros de obras; os resultantes de prospección, extracción, tratamento e almacenamento de recursos minerais ou de explotación de canteiras; as materias fecais e outras sustancias naturais non perigosas das explotacións agrícolas e gandeiras; os residuos xerados pola actividade especificamente sanitaria en clínicas, ambulatorios, etc.; os efluentes líquidos ou gasosos. En xeral, todos aqueles para os que sexa necesario a adopción de especiais medidas hixiénicas, profilácticas ou de seguridade.

En xeral, en todo o relacionado coas definicións do feito imponible estarase o establecido na lexislación vixente sobre residuos sólidos, nesta Ordenanza reguladora, así como, no seu caso, no Regulamento do Servizo correspondente.



Mércores, 30 de decembro de 2020

Núm. 250

### *ARTIGO 3.- SUPOSTOS DE NON SUXEIÇÃO*

Non están suxeitos á taxa os seguintes:

a) Os residuos que, procedentes de calquera actividade ou servizo, estean incluídos pola normativa legal e regulamentaria de aplicación dentro dos considerados como tóxicos ou perigosos. As obrigas específicas que necesariamente deberán cumprir os produtores ou posuidores desta clase de residuos, serán as establecidas na Lei de Residuos Sólidos de Galicia.

b) Recollida de escouras e cinzas de calefaccións centrais.

c) Recollida de escombros de obras.

d) Inmobles en estado de ruína, declarada polo concello de conformidade coa lexislación urbanística vixente, ou aqueles que teñan a condición de soar ou terreo.

e) Inmobles pertencentes ó Concello afectos ós servizos públicos (agás os que estean arrendados ou sometidos a concesión administrativa).

### *ARTIGO 4.- SUXEITO PASIVO*

1. Son suxeitos pasivos contribuíntes as persoas físicas ou xurídicas e as entidades sen personalidade xurídica ás que se refire o artigo 35.4 da Lei 58/2003, do 17 de decembro, xeral tributaria, que ocupen ou utilicen as vivendas, aloxamentos e locais ou establecementos situados nos lugares, prazas, rúas ou vías públicas nos que se preste o servizo, calquera que sexa o título polo que o faga.

2. Terán a consideración de suxeitos pasivos substitutos do contribuínte, os propietarios dos inmobles, que poderán repercutir, no seu caso, as cotas satisfeitas sobre os usuarios daqueles, beneficiarios do servizo.

3. Nos casos de vivendas ou locais de titularidade do Concello arrendados ou sometidos a concesión administrativa, serán suxeitos pasivos da taxa, en concepto de contribuíntes, as persoas arrendatarias e concesionarias correspondentes.

### *ARTIGO 5.- RESPONSABLES*

Responderán solidaria ou subsidiariamente das obrigas tributarias do suxeito pasivo as persoas físicas e xurídicas ás que a Lei xeral tributaria ou a Lei reguladora das facendas locais lles atribúe tal responsabilidade.

### *ARTIGO 6.- COTA TRIBUTARIA*

A cota tributaria calcularase en función da natureza e destino dos inmobles, en atención á súa capacidade estimada de produción de residuos sólidos urbanos.



Mércores, 30 de decembro de 2020

Núm. 250

Para estes efectos, a capacidade estimada de produción de residuos sólidos urbanos estará determinada polas distintas categorías de actividades que se relacionan no ANEXO I, e, no seu caso, en función da superficie que ocupan, agás os establecementos hoteleiros e outros que se rexeran polos elementos especificamente sinalados para os mesmos.

No caso de comercios, industrias e outros non especificados nesta ordenanza aplicaráselle a cota do apartado que lle sexa máis afín.

No caso de que unha sociedade ou persoa física realice varias actividades nun mesmo local (e estas carezan de acceso independente), aplicarase a cota que resulte de maior importe (en relación coa superficie da mesma) de entre as actividades desenvolvidas segundo o ANEXO I.

No caso concreto dos restaurantes con servizo de bar ou cafetería, considerarase só como actividade a de restaurante (cando carezan de acceso independente).

No caso que varias persoas xurídicas ou persoas físicas realicen diferentes actividades compartindo un mesmo local, procederá a aplicación a cada unha delas da cota que resulte da actividade desenvolvida (en relación coa superficie da mesma).

Cando a aplicación das tarifas do ANEXO I veña determinada pola superficie dos locais ou establecementos, considerarase como tal, a falta de máis probas, a superficie total do local que figure no Catastro (segundo referencia catastral).

Nos inmobles destinados a vivenda nos que se desenvolva calquera actividade susceptible de produción de residuos, aplicarase unicamente a cota base correspondente á actividade. Para que esta regra sexa de aplicación, esixirase que a actividade se desenvolva en dependencias propias da vivenda e que carezan de acceso independente.

No caso de explotacións agrícolas, horticoltura, floricultura e outras actividades agrícolas e gandeiras, e no caso dos tanatorios, será de aplicación a tarifa correspondente ó epígrafe 9, tendo en conta os m<sup>2</sup> destinados a oficina ou despacho.

#### *ARTIGO 7.- BENEFICIOS FISCAIS*

Soamente se admitirán nesta taxa as exencións e bonificacións que veñan establecidos en tratados, acordos internacionais ou en normas con rango de lei.

Non obstante, establécense no Anexo II desta ordenanza unha serie de reducións na cota base, segundo as circunstancias e requisitos detallados no mesmo, tendo en conta criterios de capacidade económica dos suxeitos pasivos en virtude do permitido polo artigo 24.4) do TRLRFL.

#### *ARTIGO 8.- PERÍODO IMPOSITIVO E DEVENGO*

O período impositivo, que coincide co ano natural. A taxa devéngase o primeiro día do período impositivo, salvo nos casos nos que se inicie a prestación do servizo, entendéndose iniciada e nace a obriga de contribuír, dende o intre en que se inicie a prestación do servizo de recollida, entendéndose comezado, dada a natureza de recepción obrigatoria do mesmo, cando estea establecido e en funcionamento nas rúas ou lugares nas que se atopen as vivendas ou locais propiedade dos suxeitos pasivos.



Mércores, 30 de decembro de 2020

Núm. 250

A taxa será esixible a partir do primeiro día da prestación efectiva de dito servizo, sexa ou non solicitado polas persoas contribuíntes.

#### *ARTIGO 9.- NORMAS DE XESTIÓN*

1. Cando se trate de servizos periódicos, presentaranse as declaracións de alta, baixa ou modificación no servizo, que producirán efectos na seguinte liquidación de padrón, é dicir, no semestre seguinte ao da súa presentación.

2. Toda declaración de alta deberá achegar:

a) Identificación do titular do inmovible (achegando copia do NIF).

b) Copia do título de propiedade do inmovible e identificación da referencia catastral.

2.1. Nas declaracións de modificación, de calquera tipo, deberanse achegar os documentos que a xustifiquen.

2.2. Nas declaracións de baixa, achegarase certificado de declaración de ruína da construción ou documentación acreditativa de que o inmovible adquiriu a condición de soar ou terreo. Fora dos supostos sinalados, non se admitirá baixa ningunha.

2.3. A persoa substituta da persoa contribuínte, estará obrigada a comunicar as variacións de orde físico, xurídico ou económico que se produzan nos inmovibles ou actividades gravadas pola taxa.

2.4. No caso de incumprimento da obriga de declarar a alta no servizo, darase de alta de oficio no padrón, practicándose e notificándose á persoa interesada a oportuna liquidación, sen prexuízo da apertura do correspondente expediente sancionador por infracción tributaria.

#### *ARTIGO 10.- PADRÓN DA TAXA*

A taxa xestionarase de oficio, a partir dun Padrón que se formará semestralmente, aprobándose mediante resolución do órgano competente. O Padrón conterá todos os datos necesarios, identificativos do suxeito pasivo e do suxeito pasivo substituto da persoa contribuínte e do inmovible obxecto da prestación, requiridos pola normativa tributaria.

Establecido e en funcionamento o referido servizo, as cotas esixiranse semestralmente, sendo estas irreducibles polo período sinalado.

#### *ARTIGO 11.- INFRACCIÓN E SANCIÓNS*

En materia de infraccións e sancións relacionadas coas taxas reguladas nesta ordenanza fiscal, haberá que averse ó disposto na Lei xeral tributaria e demais normativa aplicable o efecto.



Mércores, 30 de decembro de 2020

Núm. 250

*ARTIGO 12.- XESTIÓN POR DELEGACIÓN*

1. Se a xestión, a inspección e a recadación do tributo foron delegadas total ou parcialmente na Deputación de Pontevedra, as normas contidas nos artigos anteriores serán aplicables ás actuacións que ten que realizar a Administración delegada, sempre que non contradigan o establecido na ordenanza fiscal xeral desta última, xa que nese caso, no que respecta á recadación e ás normas de eficiencia en economía prevalecería o establecido na normativa específica do órgano de xestión tributaria.

2. O órgano de xestión tributaria establecerá os circuítos administrativos máis adecuados para conseguir a colaboración das organizacións representativas dos suxeitos pasivos co fin de simplificar o cumprimento das obrigacións formais e materiais derivadas daquelas, ou os procedementos de liquidación e recadación.

3. Todas as actuacións de xestión e recadación que leve a cabo o órgano de xestión tributaria axustaranse ao que prevé a normativa vixente e a súa ordenanza xeral de xestión, inspección e recadación, aplicable aos procesos de xestión dos ingresos locais, a titularidade dos cales corresponde aos municipios da provincia de Pontevedra que delegaron as súas facultades na Deputación.

*DISPOSICIÓN ADICIONAL PRIMEIRA*

1. A contía da cota da taxa poderase actualizar conforme ao Índice de Prezos do Consumo (IPC) establecido para o Estado polo Instituto Nacional de Estatística (INE).

2. A actualización requirirá, para a súa efectividade, a súa aprobación polo Pleno, conforme ao procedemento previsto no artigo 17 do texto refundido da Lei reguladora das facendas locais.

*DISPOSICIÓN ADICIONAL SEGUNDA*

No non previsto nesta ordenanza, a inspección e recadación da taxa rexeráse polo establecido na lexislación tributaria vixente que resulte de aplicación.

*DISPOSICIÓN DERROGATORIA*

Esta ordenanza derroga expresamente a ordenanza fiscal reguladora da taxa por servizo de recollida, tratamento e eliminación de residuos sólidos urbanos actualmente vixente e as súas modificacións; e calquera outra disposición de igual ou inferior rango que sexa contraria á mesma.

*DISPOSICIÓN DERRADEIRA*

A presente ordenanza fiscal que foi aprobada polo Pleno da Corporación na sesión realizada o 2 de novembro de 2020, producirá efectos a partir do día 1 de xaneiro do 2021 e continuará en vigor ata que se acorde a súa modificación ou derogación.



Mércores, 30 de decembro de 2020

Núm. 250

*ANEXO I TARIFAS*

*Epígrafe 1*

<i>1. Vivendas</i>	<i>COTA BASE (€/ano)</i>
1.1. Recollida, tratamento e eliminación	80

*Epígrafe 2*

<i>2. Cafeterías, bares, cervexerías e análogos</i>	<i>COTA BASE (€/ano)</i>
2.1. Ata 75 m2	250
2.2. De 76 m2 a 150 m2	350
2.3. Máis de 150 m2	500
<i>3. Restaurantes, mesóns, casas de comidas e análogos</i>	
3.1. Ata 150 m2	400
3.2. De 151 m2 a 300 m2	600
3.3. De 301 m2 a 500 m2	750
3.4. Máis de 500 m2	1000
<i>4. Supermercados, tendas de alimentación, ultramarinos e asimilados</i>	
4.1. Ata 50 m2	150
4.2. De 51 a 150 m2	350
4.3. De 151 m2 a 300 m2	600
4.4. De 301 m2 a 500 m2	750
4.5. Máis de 500 m2	1000
<i>5. Comercio en xeral</i>	
5.1. Ata 150 m2	150
5.2. De 151 m2 a 300 m2	300
5.3. Máis de 300 m2	500
<i>6. Discotecas, pubs, salóns de baile, cines e similares</i>	
6.1. Ata 100 m2	350
6.2. De 101 m2 a 300 m2	500
6.3. Máis de 300 m2	800
<i>7. Hoteis, hostais e moteis</i>	
7.1. Ata 10 habitacións	400
7.2. Entre 11 e 20 habitacións	600
7.3. Máis de 20 habitacións	900
<i>8. Casas de hospedaxe e establecementos análogos</i>	
8.1. Ata 10 habitacións	300
8.2. Máis de 10 habitacións	500
<i>9. Despachos profesionais, entidades aseguradoras e similares</i>	
9.1. Ata 30 m2	100
9.2. De 31 m2 a 100 m2	150
9.3. De 101 m2 a 200 m2	300
9.4. De 201 m2 a 300 m2	600
9.5. Máis de 300 m2	1000





Mércores, 30 de decembro de 2020

Núm. 250

<i>10. Almacéns</i>	
10.1. Ata 200 m2	200
10.2. De 201 m2 a 400 m2	300
10.3. De 401 m2 a 1.000 m2	500
10.4. De 1001 m2 a 5.000 m2	700
10.5. Máis de 5.000 m2	900
<i>11. Industrias, fábricas, talleres e similares</i>	
11.1. Ata 200 m2	300
11.2. De 201 m2 a 400 m2	500
11.3. De 401 m2 a 1.000 m2	800
11.4. De 1001 a 5.000 m2	1000
11.5. Máis de 5.000 m2	2000
<i>12. Hospitais, clínicas, xeriátricos e residencias</i>	
12.1. Ata 100 m2	200
12.2. De 101 m2 a 200 m2	350
12.3. De 201 m2 a 500 m2	600
12.4. Máis de 500 m2	800
<i>13. Centros de ensino, academias e similares</i>	
13.1. Ata 100 m2	150
13.2. De 101 m2 a 300 m2	350
13.3. De 301 m2 a 1.000 m2	500
13.4. Máis de 1.000 m2	1000
<i>14. Clubs deportivos e sociais</i>	
14.1. Ata 500 m2	150
14.2. De 501 m2 a 1.000 m2	300
14.3. Máis de 1001 m2	600
<i>15. Outros non clasificados</i>	
15.1. Entidades bancarias	750
15.2. Gasolineiras	600
15.3. Centros de culto	600
15.4. Farmacias, parafarmacias e similares	300
15.5. Vendedores ambulantes e quioscos na vía pública	100
15.6. Cámpings	450
15.7. Aparcadoiros e garaxes de uso público	500
15.8. Locais sen actividade ou desocupados	80

## ANEXO II: REDUCIÓNS NA COTA

### 1.-CRISIS SANITARIA PROVOCADA POLA COVID-19:

Redución do 100% do primeiro semestre da taxa de lixo a locais, instalacións ou establecementos afectados pola suspensión de actividade pola declaración do estado de alarma, ou as súas prórrogas, como consecuencia da COVID-19, aplicable a todas as persoas contribuíntes



que desenvolvan actividades económicas ou profesionais suspendidas pola declaración do estado de alarma no exercicio anterior a aquel para o que se solicita.

Esta redución será concedida previa petición do interesado, mediante unha Declaración Responsable acompañada de documentación oficial que acredite a suspensión da actividade, presentada no primeiro trimestre do exercicio.

## 2.-OUTRAS REDUCCIÓNS:

A) Reducións na cota base do 100% na tarifa da vivenda. A cota tributaria quedará reducida a cero para os contribuíntes beneficiarios da Renda de Integración Social de Galicia (RISGA), ou perceptores de Axudas de Emerxencia Social (AES), así coma os acollidos a réximes protectores de carácter público análogos ós mencionados ou aqueles que, sen ser beneficiarios destes sistemas, acrediten que os ingresos familiares obtidos por calquera concepto son iguais ou inferiores á renda de integración que, se fose o caso, lle correspondería. A solicitude de redución, nestes casos, será informada polo departamento de Servizos Sociais do Concello.

Estas reducións serán concedidas, previa petición do/s interesado/s acompañada dos seguintes documentos:

- Fotocopia do NIF da persoa física solicitante da redución, e, no seu caso, documento acreditativo da representación e NIF da persoa que actúe como representante.
- Informe do departamento de Servizos Sociais do Concello.
- Volante de convivencia.
- Fotocopia do último recibo da taxa de recollida, tratamento e eliminación de lixo, na que figure o solicitante da redución como suxeito pasivo.

B) Redución na cota base do 50% na tarifa da vivenda, aqueles suxeitos pasivos que, non reunindo as condicións establecidas en A), teñan unha renda familiar inferior ó SMI (Salario Mínimo Interprofesional) vixente.

Esta redución será concedida, previa petición do/s interesado/s acompañada dos seguintes documentos:

- Fotocopia do NIF da persoa física solicitante da redución, e, no seu caso, documento acreditativo da representación e NIF da persoa que actúe como representante.
- Fotocopia compulsada da última declaración do I.R.P.F., ou certificación negativa expedida pola Delegación Especial da A.E.A.T., referida ás persoas maiores de idade que residan no mesmo domicilio que o solicitante ou certificado da pensión que reciben. Se dentro da unidade familiar se percibe máis dun ingreso, deberase aportar a documentación anterior referida a todos e cada un dos perceptores.
- Volante de convivencia.
- Fotocopia do último recibo da taxa de recollida, tratamento e eliminación de lixo, na que figure o solicitante da redución como suxeito pasivo.



Mércores, 30 de decembro de 2020

Núm. 250

C) Redución na cota base do 50% na tarifa da vivenda en caso de fogares nos que exista algún membro en situación de dependencia de grado dous ou tres, ou discapacidade a partir do 65%, familias numerosas e familias monoparentais con fillos en idade de escolarización obrigatoria, con renda familiar inferior a 1,3 veces ó SMI.

Esta redución será concedida, previa petición do/s interesado/s acompañada dos seguintes documentos (cando proceda):

- Fotocopia do NIF da persoa física solicitante da redución, e, no seu caso, documento acreditativo da representación e NIF da persoa que actúe como representante.
- Fotocopia compulsada da última declaración do I.R.P.F., ou certificación negativa expedida pola Delegación Especial da A.E.A.T., referida ás persoas maiores de idade que residan no mesmo domicilio que o solicitante ou certificado da pensión que reciben. Se dentro da unidade familiar se percibe máis dun ingreso, deberase aportar a documentación anterior referida a todos e cada un dos perceptores.
- Volante de Convivencia.
- Fotocopia do último recibo da taxa de recollida, tratamento e eliminación de lixo, na que figure o solicitante da redución como suxeito pasivo.
- Fotocopia compulsada do libro de familia e, no seu caso, do título de familia numerosa.
- Acreditación do recoñecemento do grado de discapacidade.
- Acreditación do recoñecemento ou valoración da situación de dependencia.

D) No caso de establecementos dos epígrafes 4 e 11 que leven a cabo plans, programas ou contratos con xestores de residuos que redunden na redución dos residuos sólidos urbanos obxecto do servizo municipal, terán unha redución na cota base dun 25% ou 50% sobre a tarifa correspondente, en función da diminución de peso dos residuos sólidos urbanos que acaden. Os suxeitos solicitantes deberán presentar a documentación asociada ó plan ou programa, ou contrato con xestor autorizado, e ademais probas dos resultados en termos de redución de residuos.

Esta redución será concedida, previa petición do/s interesado/s acompañada dos seguintes documentos (cando proceda):

- Fotocopia do NIF/CIF da persoa física/xurídica solicitante da redución, e, no seu caso, documento acreditativo da representación da persoa que actúe como representante.
- Fotocopia do último recibo da taxa de recollida, tratamento e eliminación de lixo, na que figure o solicitante da redución como suxeito pasivo.
- Documentación que demostre a adhesión ó plan, programa ou contrato, e probas dos resultados do mesmo en termos de redución de residuos.
- Informe técnico que acredite a redución en peso de residuos sólidos urbanos obxecto do servizo municipal e a porcentaxe de redución a aplicar.

A concesión das reducións será anual.



Mércores, 30 de decembro de 2020

Núm. 250

Para poder acollerse ás reducións o suxeito pasivo deberá estar ó corrente do pago da taxa.

O desfrute dunha redución será incompatible coas outras, no caso de que o suxeito pasivo estivera incurso en máis dun dos supostos anteriores.

As solicitudes de redución na cota deberán ser presentadas entre o 1 de outubro e o 31 de decembro de cada ano e, no caso de resultaren estimadas, producirán efectos para o exercicio seguinte a aquel no que foran formuladas.

De presentarse algunha solicitude de redución entre o 1 de xaneiro e o 30 de setembro, tamén será tramitada, producindo efectos para o exercicio seguinte a aquel en que fora formulada.

